

## CLÁR NA dTOGHTHÓIRÍ

Iarratas ó thoghthóirí lena n-ainm a áireamh san Fhorlónadh a ghabhann le Liosta na Vótálaithe Speisialta.

Léigh na nótaí go cúramach, le do thoil, sula gcomhlánóidh tú an fhoirm.

### Cuid A – Mionsonraí faoin Iarratasóir

Ainm: (bloclitreacha)	
Seoladh: (bloclitreacha)	
Eircode:	<input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/>
Dáta Breithe:	

### Dearbhú agus Iarratas

Dearbhaím leis seo nach bhfuil mé in ann vóta a chaitheamh i stáisiún vótaíochta de bharr tinneas coirp nó míchumas coirp a bheith orm **agus go bhfuil gnáthchónaí orm ag an seoladh thuas**. Déanaim iarratas leis seo m'ainm a áireamh san fhorlónadh a ghabhann le liosta na vótálaithe speisialta.

Síniú nó marc an Iarratasóra	
Dáta:	
Finné (i gcás ina n-úsáidtear marc)	
Uimhir theileafóin i rith an lae/ Uimhir Fóin Póca:	
Ríomhphost:	

## Cuid B – Teastas Dochtúra

Ní mór an chuid seo a chomhlánú i gcás an chéad iarratais agus, i gcás iarratas ina dhiaidh sin, má cheanglaíonn an t-údarás clárúcháin amhlaidh.

Deimhním leis seo go bhfuil tinneas coirp nó míchumas coirp ar an iarratasóir thuasainmnithe, agus is mar a leanas cineál agus méid an tinnis nó an mhíchumais sin: \_\_\_\_\_

agus, ar an ábhar sin, ní bheidh sé/sí in ann dul go pearsanta chun vóta a chaitheamh sa stáisiún vótaíochta: Is dócha go leanfaidh an tinneas coirp nó an míchumas coirp ar aghaidh go ceann: \_\_\_\_\_

Síniú an Lia-Chleachtóra Chláraithe:	
Ainm an Lia-Chleachtóra Chláraithe: <b>(bloclitreacha)</b>	
Seoladh: <b>(bloclitreacha)</b>	
Eircode:	<input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/>
Dáta:	

## NOTAÍ A GHABHANN LE FOIRM SVS 1

### Iarratas ó thoghthóirí lena n-ainm a áireamh san Fhorlíonadh a ghabhann le Liosta na Vótálaithe Speisialta.

1. Is é is cuspóir don fhoirm seo an bealach a réiteach do vótálaithe a bhfuil tinneas coirp nó míchumas coirp orthu agus a bhfuil gnáthchónaí orthu in ospidéal, i dteach altranais nó in institiúid eile den chineál sin, a bhfuil a n-ainm ar chlár reatha na dtoghthóirí agus ar mian leo a n-ainm a chur san áireamh san fhorlíonadh a ghabhann le liosta na vótálaithe speisialta.

Cé nach bhfuil aon srianta ann i dtaobh cathain a fhéadfar an fhoirm a chomhlánú agus a chur ar ais chuig an údarás clárúcháin, is é atá sa dáta deireanach a nglacfaidh údarás clárúcháin le hiarratas ná dhá lá tar éis dháta lánscor na Dála i gcás olltoghcháin agus dhá lá tar éis an t-ordú maidir leis an lá vótaíochta a dhéanamh i gcás corrthoghcháin Dála le gur féidir an t-iarratas a bhreithniú i gcomhair an toghcháin sin. I gcás toghcháin Uachtaráin, toghcháin Eorpaigh nó toghcháin áitiúla nó i gcás Reifrinn, ní mór an t-iarratas a bheith faighte ag an údarás clárúcháin 22 lá ar a laghad roimh an lá vótaíochta (gan Domhnaí, Aoine an Chéasta ná Laethanta Saoire Poiblí a áireamh) le gur féidir é a bhreithniú i gcomhair an toghcháin nó an reifrinn sin.

### 2. **Bealach Vótála**

Ag toghchán nó reifreann, déanfaidh oifigeach ceannais speisialta agus comhalta den Gharda Síochána ina theannta/ina teannta páipéar ballóide a sheachadadh ar gach duine ar an liosta. Ar dhearbhú céannachta a thabhairt, marcálfaidh an toghthóir a pháipéar nó a páipéar ballóide faoi rún agus cuirfidh i gclúdach litreach séalaithe é agus tabharfaidh an t-oifigeach ceannais speisialta chuig ceann comhairimh an toghcheantair é. Pléifidh an ceann comhairimh leis díreach mar a phléann sé/sí le páipéir bhallóide ó phostvótálaithe.

### 3. **Cé atá i dteideal iarratas a dhéanamh?**

Más duine tú den chineál a thuairiscítear ag 1 thuas, ach nach bhfuil d'ainm san áireamh i liosta na vótálaithe speisialta, féadfaidh tú iarratas a dhéanamh

chun d'ainm a chur san áireamh san fhorlíonadh a ghabhann le liosta na vótálaithe speisialta.

**4. Cé a chomhlánaíonn an fhoirm iarratais?**

Tá dhá chuid ann san fhoirm iarratais. Ní mór don iarratasóir Cuid A den fhoirm a chomhlánú. I gcás an chéad iarratais, ní mór do dhochtúir Cuid B den fhoirm a chomhlánú.

**5. Cén áit ar ceart dom an fhoirm iarratais a sheoladh?**

Is ceart foirmeacha iarratais comhlánaithe a chur chuig d'údarás clárúcháin (Comhairle Cathrach, Comhairle Contae nó Comhairle Cathrach agus Contae).

**6. Eircode**

Is é atá in Eircode ná an córas náisiúnta postchód in Éirinn agus cuimsíonn sé postchód uathúil 7 ndigit atá sannta do gach seoladh dá bhfuil ann in Éirinn.

**7. Mionsonraí teagmhála**

Tá mionsonraí teagmhála á lorg ar eagla gur gá don údarás clárúcháin teagmháil a dhéanamh leat chun aon mhionsonraí atá ann san iarratas a shoiléiriú.

**8. Cad a tharlaíonn ina dhiaidh sin?**

Cuirfidh an t-údarás clárúcháin a gcinneadh ar d'iarratas in iúl duit agus, má dhiúltaítear dó, tabharfar na cúiseanna leis an diúltú duit.

**9.** Is cion é mainneachtain aon fhaisnéis a theastaíonn ón údarás clárúcháin chun críche a ndualgas a thabhairt don údarás nó don chlárúitheoir sin nó faisnéis bhréagach a thabhairt go feasach.